

## **Informacija o realizaciji Strategije lokalnog razvoja Općine Stari Grad Sarajevo za 2016. godinu**

Strategiju lokalnog razvoja Općine Stari Grad Sarajevo 2014. – 2018. godine Općinsko vijeće Stari Grad usvojilo je na sjednici u aprilu, 2014. godine, nakon čega je i počela njena implementacija.

Strategija obuhvata četiri strateška prioriteta i 14 strateških ciljeva. Ukupan budžet planiran za realizaciju ovog općinskog dokumenta je 22.075.000,00 eura. Za realizaciju Strategije nadležno je devet organizacionih jedinica izvršne vlasti Općine Stari Grad i to:

- Služba kabineta načelnika,
- Služba za investicije, plan i analizu,
- Služba za komunalne poslove,
- Služba za obrazovanje, kulturu i sport,
- Sektor za lokalni razvoj,
- Služba za privredu i finansije,
- Služba za boračko-invalidsku i socijalnu zaštitu,
- Sektor za odnose s javnošću i informacione sisteme,
- Sekretar organa državne službe.

Tokom prošle godine i u skladu s realizovanim Budžetom Općine Stari Grad Sarajevo s krajnjim datumom od početka februara implementirane su aktivnosti koje su planirane u sva četiri strateška prioriteta. Ukupan budžet koji je iskorišten za implementaciju mjera predviđenih u ovom strateškom dokumentu u skladu s realizovanim Budžetom iznosi 3.417.779,58 eura. Na osnovu planiranog i realizovanog budžeta vidljivo je da je Strategija, u finansijskom dijelu, realizovana u iznosu od 15,42 odsto, što je gotovo za duplo manje u odnosu na prethodnu godinu.

### **1. Poboljšanje i unapređenje uslova življenja i standarda građana**

Prvi strateški prioritet odnosi se na Poboljšanje i unapređenje uslova življenja i standarda građana i obuhvata pet strateških ciljeva:

- nadgradnja i unapređenje komunalne infrastrukture,
- unapređenje obrazovnog procesa, kulturnih i sportskih sadržaja i infrastrukture,
- unapređenje mjera za energetske efikasnost,
- unapređenje sistema socijalne zaštite i
- zaštita čovjekove okoline.

Budžet predviđen za realizaciju ovog pravca je 20.890.000,00 eura. Tokom 2016. godine, u sklopu prvog strateškog prioriteta, realizovano je niz aktivnosti iz svih pet navedenih oblasti za što je utrošeno 2.636.497,36 eura, iz čega proizilazi da je realizovano 12,62 odsto planiranih mjera, dok je u 2015. godini procenat realizacije iznosio 28,49 odsto.

## **2. Poboljšanje i diverzifikacija privrede i privlačenje novih biznisa i investicija**

Drugi strateški prioritet odnosi se na Poboljšanje i diverzifikaciju privrede i privlačenje novih biznisa i investicija i obuhvata tri strateška cilja:

- promocija potencijala za investiranje u Općinu,
- promocija i proširenje turističke ponude, zanatskih proizvoda i suvenira i
- razvoj, unapređenje i promocija ruralnih sredina.

Budžet predviđen za realizaciju ovog pravca je 355.000,00 eura. Za implementirane aktivnosti u sklopu ova tri strateška cilja tokom 2016. godine utrošeno je 135.179,78 eura, iz čega proizilazi da je realizovano 38,08 odsto planiranih mjera, u odnosu na 35,21 odsto plana realizacije tokom 2015 godine.

## **3. Povećanje zaposlenosti**

Treći strateški prioritet odnosi se na Povećanje zaposlenosti i obuhvata tri strateška cilja:

- promocija raspoloživih programa sufinansiranja privrednika u svrhu zapošljavanja,
- edukacija građana za samozapošljavanje i
- podrška nadarenim i talentovanim stanovnicima.

Budžet predviđen za realizaciju ovih aktivnosti u period od pet godina je 585.000,00 eura. Za implementaciju aktivnosti u sklopu ova tri strateška cilja, za period od deset mjeseci prošle godine utrošeno je 346.106,33 eura, iz čega proizilazi da je realizovano 59,16 odsto planiranih mjera u odnosu na 29,7 odsto plana realizacije tokom 2015. godine.

## **4. Jačanje komunikacije s građanima, osnaživanje međupćinske i regionalne saradnje, međunarodni programi i donatori**

Četvrti strateški prioritet odnosi se na Jačanje komunikacije s građanima, osnaživanje međupćinske i regionalne saradnje, međunarodne programe i donatore i obuhvata tri strateška cilja:

- osnaživanje međupćinske i regionalne saradnje kroz realizaciju zajedničkih projekata,
- jačanje kapaciteta za saradnju sa organizacijama civilnog društva I
- jačanje općinskih kapaciteta za pripremu i realizaciju projekata prema međunarodnim programima i donatorima.

Budžet predviđen za realizaciju ovih aktivnosti je 245.000,00 eura. Za implementaciju aktivnosti u sklopu ova tri strateška cilja od marta do decembra prošle godine utrošeno je 299.996.11 eura, iz čega proizilazi da je realizovano 122,44 odsto planiranih mjera u odnosu na 3,9 odsto plana realizacije tokom 2015. godine.